

畿輔通志卷一百十三

略六十八

經政二十

祀典三

壇廟

廣平

大名

易

州

冀州

趙州

深州

定州

廣平府

永年縣

倚郭

社稷壇在府城北門外

雍正志

風雲雷雨山川壇在府城南門外

同上

先農壇在府城東

同上

雍正四年建藉田四畝九分

府志

厲壇在府城北門外

雍正志

城隍廟在府治西

同上

縣城隍廟在學宮西明崇禎十二年知縣宋祖乙創建

明宋祖乙

記略丙子夏余自唐調永初入境詢縣志應者曰附載府志謁文廟名宦祠罔所祀又謁府城隍神祠而卑處東隅曰縣

城隍神也余計之曰名宦當請學使志必博採鄉獻為茲神
宇是誠在我無何邊警事迫余方繕城垣練鄉勇與土民商
登埤計無能他及明年二月解嚴因以名宦祠商諸廣文汪
公光緒屬孝廉李子濬盧子愜允盧子贊元貢生胡子鳳閣
分較邑志城隍神祠則卜基縣學西計日集事入秋邊警又
告矣余同郡尊誓諸城隍廟期共城為存亡城頭露宿五十
日浸冬賊逼城二十日敵退而土賊繁興賊散而援兵經過
所在搶殺明年仲夏始定乃復理前功為前後殿各一東西
廊各一戟門一儀門一落成之日適孝廉諸公以
志進而名宦祠設焉余以舉之不易也因勒之石

本朝順治間知縣余維樞乾隆二十一年知縣孔廣棣嘉慶二

十二年知縣袁俊伍各有修葺

縣志

關帝廟在府城西門外

同上

一在府南門甕城

雍正志

文昌祠在府學東康熙六十一年知府劉光榮知縣朱世緯

嘉慶五年教授步毓巖先後重修

縣志

魁星樓在府學泮池康熙間知府劉光榮知縣朱世緯重修

一在東南城上明萬厯間知府南居易知縣陳所行創建

同上

龍神廟一在府城北五里黑龍潭明知府陳注建俗稱九龍廟

本朝同治七年知縣錢敏重修縣志一在東城上雍正七年知府

李梅賓建俗稱二龍廟禱雨輒應府志毛振翎詩志隄迴

窮雄堞遠吞千島月譙樓高接萬山風環壕荻葦迎袍綠傍岸荷花撲馬紅聞道靈潭能致雨為民祈禱到龍宮吳穀和毛司馬韻監輿曉出郭門東野色蒼蒼望不窮隄堰長虹紫宿霧潭澄明鏡動秋風連陸香稻勻鋪綠點逕幽花淺著紅一雨郊原農事足報功先到九龍宮

火神廟在府南門甕城雍正志明崇禎十一年建府志

馬神廟在府預備倉前雍正志一在縣署東縣志

土地祠在府署雍正志一在縣署縣志

八蜡廟在府治北府志康熙十一年知府劉光榮知縣朱世緯

重修縣志

劉猛將軍廟在縣治東南雍正二年總督李維鈞檄知府王

允致建

府志李維鈞記略庚子仲春虔請劉猛將軍降靈

自序吾乃元時吳川人吾父爲順帝時名將曾鎮西

江威名赫赫聲播遐邇惟以忠君愛民念念不忘國事吾謹

遵父命亦曰以濟困扶危後授指揮之職亦臨江右又值江

淮萑苻之盜蜂起人受塗炭令吾督兵勦除我時年方二十

偶而爲帥惟恐不能稱職有負國恩又貽父母之憂孰知天

命有在經由淮上羣盜聞信體解返舟凱還江淮之路田野

荒蕪因停舟採訪輿情黎民疾苦之狀皆云盜掠之後又值

蝗孽爲殃禾苗憔悴民不聊生吾聞之愀然計無所施欲奏

議發倉非職守當爲適遇飛蝗蔓野視其衆曰吾與汝等逐

之何如衆皆踴躍歡然相隨吾卽率衆奮力前進蝗亦爲之

遁迹然而民食終缺困不能扶災不能救烏在其爲民上耶

因情急乃自沈於河後爲有司聞於朝遂授猛將軍之職荷

上天眷念愚誠列入神位前曾因畿北飛蝗蔽野李公誠禱

故吾於冥冥之中聊爲感格而公遂感吾靈異而建立此廟

已歷十有餘年矣若問他年之事吾豈可逆溯而定乎將軍

自序如此已亥年滄州靜海青縣等處飛蝗蔽天力無所施

予是時爲守道默以三事禱於將軍一求東飛於海一求日

飛夜宿爲吾所縛三求蝗自滅果十三日不去夜擒七千三

百口袋餘皆不傷田間一物自是蝗不爲害七年於茲矣甲

辰春予以事聞遂

命江南山東河南陝西山西各建

廟以表將軍之靈并於暢春苑擇地建廟將軍之神力賴

聖主之褒勅而直行於西北永絕蝗蝻之禍數千里億兆無不蒙庥其功不亦偉與將軍諱承忠將軍父諱甲

河神廟在府城南橋

雍正志

曲周縣

社稷壇在縣城西北

縣志

風雲雷雨山川壇在縣城東南

先農壇在縣城東南雍正五年建有藉田四畝九分

厲壇在縣城北門外

城隍廟在縣治西雍正間知縣張若岩重修嘉慶間知縣劉

澣同治五年知縣王延桂先後修葺

關帝廟在縣東城上康熙五十八年知縣崔湄雍正九年知

縣張若岩道光八年知縣傅以納各重修

文昌閣在學宮東明萬厯二十七年知縣王象恆建

魁星樓在縣東城上明萬厯間知縣王祚昌建崇禎間知縣
喬明旃移建河濱

本朝順治十三年知縣李時茂復建於故地

李嘉彥記略城頭東南開舊有奎樓

崇禎丙子邑令喬公移建河濱望氣者以為弗宜屢議移建
故地顧力弗能而有待侯聞之慨然曰吾責也守令作牧四
方育民造士厥意維均於是捐俸付孝廉王子曰是役也吾
與子任之邑亦感侯之意捐貲鳩工順治丙申春三月王子
董其事復就故地而建焉侯諱
時茂字蔚芝王子諱頤字皞如
修以上俱縣志

濫漳二神祠在縣城東東橋南河畔

大清一統志

火神廟在縣城北門外明萬厯間知縣張潑建

府志

八蜡廟在縣城西關上

同上

劉猛將軍廟在縣治西北雍正五年建

府志

馬神廟在縣治西雍正十三年知縣張若岩重修

同上

土地祠在縣治儀門東

同上

肥鄉縣

社稷壇在縣城北關外迤西一里

風雲雷雨山川壇在縣城西南一里

先農壇在縣城西南雍正六年知縣李夢說建

厲壇在縣城北關外

城隍廟在縣城西街康熙四年重修

關帝廟在縣治西南康熙四年淹沒雍正十年知縣王建中

重建

文昌祠

魁星樓在縣東南城上明天啟七年建

以上俱縣志

龍王廟在縣城西北龍潭堡

府志

漳河神廟在縣城北隄上知縣王建中重修

縣志

馬神廟在縣治西舊在城西南隅久廢知縣萬廷楨改建城

西門內後淹沒雍正九年知縣王建中移建今地

土地祠在縣署儀門東知縣王建中重建

八蜡祠在縣城東門外

劉猛將軍祠在八蜡祠中

俱同上

雞澤縣

社稷壇在縣城北乾隆十八年重修

縣志

風雲雷雨山川壇在縣城南乾隆十八年重修

同上

先農壇在縣城北雍正六年知縣楊元愷建乾隆二十八年

知縣王錦林重修

同上

厲壇在縣城西北

同上

城隍廟在縣治東明正德十五年知縣車裳增葺府志明

略雞澤爲廣平屬邑廟之修壞亦屢矣宏治甲寅蓮幕張君嘗修之廟之後有寢以安神靈前有臺以駿報事歲時伏臘足以奉典常顧儀門左右逼近民居縱橫盈丈大門外爲縣治通達亦與市廛相比弗稱觀瞻况復卑濕每雨降輒壅水不可行有司艱於展謁常欲改作病於因循而未果也正德庚辰縣令車公作甬路四十餘步內屬於廟外接通達移建大門於其北卽故址創立牌坊扁額高懸屹然鼎峙而凡神之儀仗鐘鼓祭器莫不周治而完美之經始於是年三月落成於七月壬申廟貌整飭往來者改觀焉趙生延松輩游息於廟中別館表其成而請予序之車公名裳山右石川人

本朝乾隆二十一年知縣王錦林重修縣志王錦林記略城隍之有神不載於經籍

然王公設險繫諸易傳召伯營榭播之雅歌周書之宅洛一澤庶殷丕作嗣且肇稱殷禮咸秩無文春秋書築城浚池者不一而左氏傳勇夫重閉之戒尤爲深切而著明則城隍之繫於都邑者重則所以主之者必神昔人謂天地間無物無鬼神正此類爾雞澤四塞之邑也盟臺峙乎東鉅鹿界乎西魏博柏鄉接連乎南北悉爲古戰爭之地城池較他邑爲要害則神之馮之者亦當較他邑爲尤靈百餘年來抱鼓不驚而物阜民康井里安熙未必非神有以陰護而默庇之也乾隆丙子余來茲土朔望詣謁見垣頽瓦斷棟折榱崩越數年諸務漸次稍舉而廟亦日加傾敗乃集士民之好義者勸諭

踴躍余簡點虛橐得錢六萬有奇以爲倡合城鄉義助其得
七百兩零鳩工庀材經始於庚辰三月落成於辛巳二月或
葺或構中成殿東西成廡前成臺臺之外成坊殿以後爲內
寢其旁爲橫舍與黃冠以棲息漆丹輝映煥然一新第余也
分斯民膏脂而爲一邑之父母神亦享斯民牲牢而作一方
之保障受若直而怠若事余固兢兢不敢也神之聰明正直
諒亦必有同心乎余願與神交矢之併與後之蒞茲
土者並矢之則斯廟之嗣而葺更自以永永弗壞矣

關帝廟在縣治東北

府志

明崇禎間邑人吉自志增建後殿

本朝康熙間知縣姜炤重修

縣志

文昌祠在學宮東乾隆初教諭尤孟仁重建

同上

沈景瀾

癸丑叨列館職與大興孟仁尤君同居朱邸西席未幾以孝
廉方正徵召補雞澤教諭余謂尤君授經諸生其必綽有可
觀丁卯六月以公務來京師晤余曰雞邑學宮邑侯已次第
修舉惟文昌祠不戒於火毀燼矣因與前邑侯閻中李公偕
闔邑紳士鳩工庀材且拓其地易祠爲閣巍煥輝煌其憑式
巽方鼎峙文明高聳將有望於科甲之綿綿官斯土者與有
榮施工未竟尋侯以憂去今明府光州吳公來令斯邑勤於
篤修遂落成匄公一言以紀其事用垂不朽余前忝操史筆
不敢以不文
辭遂記之

魁星樓在學宮南

同上

李駿聲記略三韓祠公簡齋來尹茲邑下車後痛學校之榛蕪也慨然有振

興之志作為文章懇摯詳切遍諭雞人以鼎新奎閣之意因與文昌祠并舉道之將興端在今日乎然所以議奎閣者將扶其頽補其罅而葺其舊曰非也孔廟前地不減十畝闢大廣平容畜無外真風氣之藪哉故議遷於南北拱孔廟夫南為離地離為火象火為文明祀至於斯斯為得位此後文運將必有大發其光華者矣余言必有驗也

龍王廟在縣城東門外

府志

馬神廟在縣治西

同上

土地祠在縣治儀門東

縣志

八蜡廟在縣治西明嘉靖三十七年重修

明劉錫記略入蜡廟舊在邑東郭莫

詳創置所自歲久傾敗人用愴焉嘉靖二年間父老高寵等鳩工飭料棟宇旋新閱今三十餘年秋霖漫漫廟則汨沒爰即舊基創新宇經始嘉靖三十七年七月迄次年六月告成凡廟四楹各五架門凡二楹各三架繚垣載周方面各正衆忻如也吾聞古之君子先成民而後致力於神是故農緣南畝婦子嬉饁即郵表啜安封豕已吞碩鼠禁竊即貓虎安潔源清流慎經密理即坊若水庸安螟賊不逞蠶倉屏助即昆蟲安於以安先稽司稽司農以順成年穀而通入蜡即社稷

安是故社稷時祀通入蜡禮神通治人順民之情通體
國謹非神之主而民之望國之屏翰乎當有是子言者

劉猛將軍廟

滏河神廟在縣城東十五里舊城營一在縣城東十三里邢

家隄

俱同上

廣平縣

社稷壇在縣城北門外

風雲雷雨山川壇在縣城南門外

先農壇在縣城東雍正五年建

厲壇在縣城北

以上俱縣志

城隍廟在縣治東明隆慶四年邑人張平等修葺

據碑記補明馬明

謨記略稽古廣平趙彊爲郡爲邑代有更襲其城郭隍池創
始莫可考廟宇則肇自洪武壬子至成化辛丑邑令紀公方
改作之迨去歲庚午幾復百年頗就頽毀邑民張平等願鳩
工力以修迺白於邑侯劉公公義其舉遂卜日興工廟寢惟

幕肖像咸與維新煥如儼如可以安神可以崇祀可以聳人之觀瞻而肅人之心志越三月工用告畢余與淵泉業已遵制褒書匾矣今歲六月邑庠劉子復申其事請余為記時隆慶六年春月望日也

本朝康熙中圯於水知縣華士捷重建

附志

關帝廟在縣治東明宏治六年重修

同上 明馬子聰記略漢壽亭侯廟在廣平縣

治東衢巷北耆宿相傳自國初已有之第記石泯沒莫究所創之顛末今歷年滋久日就頽敝邑人崔順廬其側日夕瞻顧久動於衷毅然欲撤而更新乃謀於義富梁賢李凱等白有司俞允諏日興工羣情胥願有積者輸財無積者效力凡百工匠各呈其技而殫其巧甫踰年故者剝毀者完棟宇輩飛像貌烜赫闐闐嗟訝實聳觀瞻蓋經始於宏治癸丑而落成於甲寅也廟既成持幣於子聰記之俾鑱諸石

文昌廟

魁星閣

昭澤龍王廟在縣治西

府志

八蜡廟在縣城東北

縣志

馬神廟在縣城南門外同土

邯鄲縣

社稷壇在縣城北

縣志

風雲雷雨山川壇在縣城南明洪武十年建

先農壇在縣城東雍正六年知縣鄭方坤建有藉田四畝九分

厲壇在縣城東舊在城北明成化五年拓城壇爲城內地因移建今所

城隍廟在縣治西南明洪武十五年建成化九年嘉靖三十

五年相繼修

明張成教記略廟故稱儉陋殿一寢一左右祠楹各五大門儀門楹各三官往貯芻粟殊不便

於香火民病之改儲焉顧儉陋如故乃僉謀鼎新先是每歲四月望日有事於廟大糾有衆修祀事衆議以爲節其虛費可助興作於是累歲積貲重修先寢殿次兩祠次儀門大門秩如翼如規制視前迥異矣是役也始於嘉靖乙卯之三月

訖於丁丑之五月既成邑令向侯謁廟美之令役長謝應時等乞余爲記俾道士王邦鳳守之

本朝雍正九年知縣鄭方坤重修

鄭方坤記略邯鄲城隍廟在縣治之西堂室巍峩輝煌全

碧誠壯以麗獨門樓廊廡頽缺傾圯所塑各神鬼如吳道子畫地獄變相然者久乃漸壞不及今修治將無以悚觀瞻而增敬畏余於朔望及春秋祀典每人廟日擊心殷既捐俸錢復告有力者襄之未踰時而煥然果一新矣今夫令治民者也神治於幽者也而水旱則並禱神是神有功於民卽有功於令苟思所以報之固宜甚盛哉抑有說於此神者聰明正直之號非可媚而悅其善惡皆人自爲之爲善祥集爲惡殃降此理之常衆所宜曉倘無致福之實而日偃僂誦請僥倖萬一神其佑之乎茲士民一念之發懃懃懇懇作事不怠是幽足以事鬼神卽明足以事君長百順之福由是而集豈僅如世俗所祈請終不可必得者哉且知神陰操其勸懲之權又能助令政教所不及也已

關帝廟在縣城南門內

以上俱縣志

文昌祠未建每歲春秋致祭於明倫堂

採訪冊

魁星閣在東南城上同治四年邑人崔華山等重建

同上

龍王廟在縣城東門外

縣志

乾隆六年知縣方宏禮建

府志

馬神廟王縣治西南

同上

八蜡廟在叢臺下舊在縣城西三里知縣張第改建北關乾

隆六年知縣方宏禮移建今地

縣志

聖井龍神廟在縣城北二十里聖井岡祈禱者取井中鐵牌

供奉之卽雨同治六年

御賜匾額九年奉

勅重修光緒四年

詔封靈應昭佑宏濟聖井龍神

御賜匾額

採訪冊

成安縣

社稷壇在縣城西北明洪武三年縣丞陳世和建

縣志

風雲雷雨山川壇在縣城東南明縣丞陳世和建

同上

先農壇在縣城東南雍正六年建

府志

厲壇在縣城東北明縣丞陳世和建

縣志

城隍廟在縣治西南明洪武二年縣丞陳世和建萬厯六年

知縣倪湯修葺

明蔡可賢有記

三十三年知縣劉永脈增修

明劉永脈記略

邑有城隍廟蓋助於洪武之三年邑令彭公創建後重修於成化嘉靖間然亦僅僅補葺未備至萬厯戊寅邑令倪公乃克集其成業有邑人蔡參藩為之記矣後二十有七載余蒞茲土視前所修葺則既傾圯每朔望必趨謁小民益畏且駭甚至明罔官司耳目而一質神前頓有心冰股栗畢輸其用膽者曾謂是祠非囑民之急務耶且令環四境之小民日覩其輪奐巍我棟宇璀璨庶幾凜然若神明顯赫彭殫在前而罔敢即於匪彝其為教不益遠哉嗚呼廟貌新矣享祀豐矣倘神明其鑒為吾民降祥錫祉禦災捍患俾得永綏於載穀又余萃百姓之精神默禱於宥密中而不敢必者也爾神得無意乎是為記

本朝康熙十一年知縣王公楷重建

同上

城隍廟建修屢矣順治十

一年康熙七年漳水雨入城殿圯僅門殿數椽撐拄泥塗中予受事之三年庶務粗集爰聚眾勸輸鳩工鼎新之建正殿